



9. marts 2012

UPA2012/70

Inatsisartut Suleriaasianni § 36 naapertorlugu apeqquteqaat aallaavigalugu oqallisissiaq imaattoq matumuuna saqummiuppara:

Inuinnaat nunamik siunissami piginnittussaalerinissaata eqqunneqarnissaa pillugu apeqquteqaat aallaavigalugu oqallinnissamik siunnersuut.

(Inatsisartunut ilaasortaq Justus Hansen, Demokraatit)

Tungavilersuut

Nunami maani inuit ataasiakkaat nunamut piginnittussaataaner atornikuunngilaq, tamananalu arlalinnik pissuteqarpoq. Kalaallit Nunaat naalagaaffittut namminersortutut taamatullu inuit ataasiakkaat nunamut piginnittussaaner at pillugu inatsiseqartutut suarutigineqanngisaannarnikuuvoq. Nuna suliffissuaqarfittut ineriartortinneqanngikkallarmat pisariaqarsimannngilaq inuinnaat nunamik pigisaqarnissaat, kalaallit pinngortitaq inuussutigimmassuk ukiullu qanoq ilinerani apequtaatillugu nuttartuullutik.

Danmark 1721-mi takkummalli kingornalu nuna danmarkip immikkoortortaatus ilanngunneqarmalli kalaallit nunaminnut atuisinnaatitaasimannngillat – aamma ullumerpiaq ukioq 2012-mi – suli danskit nuna pigimmassuk.

UKA 2011-mi Inatsisartuni amerlanerussuteqarput aalajangerpaat tungaviusumik inatsisiliorinissap aallartisarneqarnissaa pillugu siunnersuut. Tungaviusumik inatsimmi taamaattumi inuinnaat nunamik piginnittussaataanissaat ilaassasoq, naatsorsuutigisariaqarpoq. Nunat allat demokraatiskiusut tungaviusumik inatsisaanni inuinnaat nunamik piginnittussaataaner at inuit piginnaatitaaffiattut taaneqartarpoq. Demokraatillu isumaat naapertorlugu inuit piginnaatitaaffigaat, nunagisamik nammeneq piginnittussaataanissaq, taamaattumik maannagaaq tamanna qaqipparput oqallisigillaqqullugu.

Soqutingaarput tusassallugu pineqartoq pillugu partiit allat qanoq isumaqarnersut. Inuinnaat nunamut piginnittussaataassappat imaluunniit nunatsinnut ataatsimut piginnittussaataanerput ingerlatiinnassavarput? Nunarput nammeneq oqartussaaffigilerutsigu taava inuit naliginnaat nunamut piginnittussaataalissappat imaluunniit naamik?

Demokraatini paatsuugassaannngitsumik isumaqarpugut inuinnaat nunamut piginnittussaataasariaqartut.

Inuinnaat nunamut piginnittussaaner at pillugu oqaluttuarisaaneq qissimikkutsigu assersuutigalugu atuarsinnaavarput USA-p nunanut siullerpaanut ilaallun allaaserisimagaa inuit ataasiakkaat nunamut piginnittussaataasariaqarnerat. Europami mumisitseqattaartoqarpoq Frankrigi aallarni-

isoralugu, tassani inuit ataasiakkaat pisinnaatitaaffii kingorna pisinnaatitaaffittut allaaserineqarput inuit kiffaanngissuseqarnissaannut, pigisaqarsinnaanissaannut, isumannaatsuunissaannut naqisimaneqarnermullu akerliunerannut ilanngullugit. Ullumikkut nunat demokratiskiusut amerlanersaanni nalignnaavoq inuinnaat nunamik piginnittussaataanerat.

Demokraatini inuit ataasiakkaat piginnittussaataanerat aamma innuttaasut nammineq toqqaasinnaatitaanerat suli annertunerusumik nukittorsarusupparput. Tamatuma inuiaqatigiit nukittorsassavat politikerit pinnagit.

Inuit nammineq nunaminnik piginnissinnaanngippata, naalagaaffik pilersuisussatut aalajangiusermaneqaassaq innuttaasullu imminnut paariniarlutik naalagaaffik isumalluutigilissavaat taamaasillunilu politikerit inunnut ataasiakkaanut killissaqanngitsumik oqartussaalissapput. Tamanna nunatsinni kissaatigaarput?

Piffissanngunngila nammineq toqqaasalernissarput? Kissaatingaarput nunamik nammineq piginnittuunissarput imaluunniit nammineq nunatsinni attartortuujuarnissarput?

Taamatut oqaaseqarlunga qilanaarpunga Naalakkersuisut akissutaata tusarnissaanut kiisalu partiit allat saqqummiussassaannut.